

Rekord-dugnad i båthamna

04.05.2010



Det var rekord-frammøte under dugnaden i båthamna

**I kveld er den tradisjonelle vår-dugnaden avvikla i båthamna og den lovar det beste framfor båtsesongen.
Det møtte fram 17 karer og ei jente og båtlag-veteranar slår utan å tvila fast at dette er rekord-frammøte.**



Nokon arbeidde under høgtrykk

Det er ingen tvil om at viljen til å gjera ein jobb for laget og hamna er stor. Det ber bod om ei høg plassering i tevlinga mellom hamnane i landet også dette året.



[Nokon rydda bort knekt furu.](#)

Eit døme på engasjementet er reaksjonen frå ein som jobbar iNordsjøen og som difor ikke kunne møte fram. Etter å ha lese det nettsida skreiv i går om dugnaden meldte han forfall til leiinga, men gjorde det klart at han gjerne stilte opp for måling av lagshuset ved eit seinere høve.



Nokon vaska huset.



[Nokon raka lauv.](#)

Her er stikkordmessig det som vart gjort under dugnaden:

*Vasking av huset for seinare måling.

*Høgtrykk-spyling av moloen.

*Bortrydding av furu som vart brote ned av snøen.

*Raking av området.

*Montering av pullertar.

*Skifting av rote bord og benkar med virke frå Varaldsøy.

*Tetting av vatnlekkasje.

Og som eit effektivt, men ubestilt apropos midt under dugnadsinnsatsen passerte ei staseleg og stor yacht inn gjennom Storsundet!

Kanskje kjem det slike og legg til i Uskedalen denne sommaren?

(Tekst og foto: Ola Matti Mathisen)



Som eit apropos til dugnaden passerte denne staselege båten innover gjennom Storsundet.